



Pokreni lokalnu inicijativu za mlade i sa mladima! Javni poziv za lokalne građanske inicijative

Oznaka poziva:	23.05.0-N2.1-1171
Naziv poziva:	Bespovratna sredstva podrške projektima omladinskih organizacija i organizacija koje rade sa mladima u BiH
Datum objave poziva:	21.8.2025. godine
Rok za dostavljanje projektnih prijedloga:	17.9.2025. godine do 23.59 sati

POZADINA JAVNOG POZIVA

Javni poziv se objavljuje u okviru projekta "Smislimo, kreirajmo i usvojimo politike prema mladima" kojeg finansira Evropska unija a implementira Institut za razvoj mladih KULT (u daljem tekstu Institut) u partnerstvu sa Regionalnom kancelarijom za saradnju mladih (RYCO), Vijećem mladih Federacije BiH, Mrežom omladinskih centara za animiranje, razvoj i trening Republike Srpske (M.O.C.A.R.T.) i Asocijacijom srednjoškolaca u BiH. Ova inicijativa je usmjerena na podršku mrežama omladinskih organizacija civilnog društva i unapređenju njihove saradnje na polju mladih, kao i EU integracijama. Jedan od ciljeva je olakšavanje i institucionalizacija saradnje između vlasti i omladinskih organizacija, s posebnim akcentom na one koje vode mlade žene i pripadnici marginaliziranih grupa.

Na tom putu će se raditi na razvijanju i usvajanju politika prema mladima te stvarati okruženje pogodno za učešće mladih i omladinskih organizacija u procesima odlučivanja. Kroz ovaj program podržat će se mreže mladih, omladinske organizacije i organizacije koje rade sa mladima kako bi bili osnaženi za bolje upravljanje projektima i aktivnostima te učešće u odlučivanju.

Pozivaju se nevladine organizacije registrirane na bilo kojem nivou u Bosni i Hercegovini da dostave svoje prijedloge inicijativa u okviru ovog javnog poziva za dodjelu bespovratnih sredstva za podršku projektima omladinskih organizacija i organizacija koje rade sa mladima u BiH. Krajnji korisnici su mladi ljudi, s naglaskom na djevojke i marginalizirane mlade, koji će učestvovati na događajima koji će se organizirati diljem BiH, kao i aktivisti koji će biti osnaženi i djelovati u svojoj lokalnoj zajednici.

Lokalna građanska inicijativa je akcija, aktivnost građana usmjerena na poboljšanje stanja u lokalnoj zajednici i društvu u kojem žive. U građanske aktivnosti mogu se uključiti svi građani pojedinačno ili zajednički, a sve sa ciljem ukazivanja na konkretne probleme, rješavanje problema ili odgovaranja na potrebu koja postoji u njihovoj zajednici.

Zagovaranje je fundamentalni i dugotrajni proces u demokratskom društvu kojim se nastoji utjecati na donositelje odluka da promjene sadržaj političkih odluka, a radi ostvarenja opće-društvenih ciljeva i prava, poboljšanja kvalitete života kompletnog društva ili specifičnih društvenih grupa. U tom procesu, zagovornici koriste različite strategije poput lobiranja, aktivizma, inicijativa, kampanja javnog mnijenja, pisanja dopisa i održavanja sastanaka s donositeljima odluka. Zagovaranje je korištenje formalnog procesa koji donosi „službenu promjenu“ koja je dugotrajnija; stoga je bitno dobro upoznati proces donošenja odluka na koji se želi utjecati.





Javni poziv se provodi kroz dva LOT-a:

- LOT I - LOKALNE INICIJATIVE ZA UMREŽAVANJE I PARTNERSTVA
- LOT II - ZAGOVARAČKE LOKALNE INICIJATIVE

LOT I - LOKALNE INICIJATIVE ZA UMREŽAVANJE I PARTNERSTVA

Ova komponenta nastoji podržati omladinske organizacije i organizacije koje rade sa mladima u cilju osnaživanja međusobne saradnje i sinergije kako bi se adresirali zajednički problemi i potrebe mladih. Također, okupljanjem različitih organizacija, inicijative će stvoriti čvrstu mrežu koja može zagovarati i provoditi rješenja za pitanja mladih u lokalnim zajednicama.

Iznos granta: do 1.955,00 KM po inicijativi.

Eliminatorni kriteriji za provedbu inicijative:

- aplikant može biti neformalna grupa mladih, omladinska organizacija ili organizacija koja radi sa mladima registrirana u Bosni i Hercegovini;
- važeće Rješenje o registraciji, te uvjerenje o poreskoj registraciji (ID broj);
- potpune i tačne kontaktne podatke odgovorne najmanje tri člana neformalne grupe - ukoliko se prijavljuje neformalna grupa;
- maksimalan iznos traženih sredstava ne prelazi 1.955,00 KM;
- aplikant je dostavio budžet projekta na obrascu OBR-GRB;
- aplikant je dostavio popunjen obrazac okolišna provjera/lista za provjeru usklađenosti projektnih aktivnosti sa zahtjevima u vezi sa zaštitom životne sredine.
- inicijativa mora uključiti aplikanta (organizaciju nosioca projekta ili neformalnu grupu mladih) i najmanje 1 partnera (omladinska organizacija, organizacija koja radi sa mladima ili neformalnu grupu mladih).
- sve predložene aktivnosti moraju biti provedene na teritoriji Bosne i Hercegovine;
- sve predložene aktivnosti se moraju provesti najkasnije do 31.1.2026. godine;
- svrha inicijative mora biti usmjerena na rješavanje problema i potreba mladih u zajednici;
- dozvoljena je kupovina opreme koja je kupljena po nabavnoj cijeni do 299,99 KM;
- dostavljena je sva dokumentacija koja je u pozivu navedena kao obavezna.

Pored navedenih kriterija (bodovni kriteriji):

- poželjno je da organizaciju/neformalnu grupu vodi djevojka ili pripadnik marginalizirane grupe mladih;
- predložena inicijativa može biti priprema za osnivanje novih omladinskih organizacija;
- poželjno je da predložena inicijativa ima i zagovarački aspekt.

LOT II - ZAGOVARAČKE LOKALNE INICIJATIVE

Ova komponenta nastoji unaprijediti provedbu mehanizama propisanih zakonima o mladima u BiH (Zakon o mladima FBiH, Zakon o omladinskom organiziranju RS, Zakon o mladima Brčko distrikta BiH) te snažnije uključiti mlade u procese donošenja odluka.

Iznos granta: do 2.151,41 KM po inicijativi.





Eliminatorski kriteriji za provedbu inicijative:

- aplikant mora biti omladinska organizacija ili organizacija koja radi sa mladima registrirana u Bosni i Hercegovini;
- važeće Rješenje o registraciji, te uvjerenje o poreskoj registraciji (ID broj);
- maksimalan iznos traženih sredstava ne prelazi 2.151,41 KM;
- aplikant je dostavio budžet projekta na obrascu OBR-GRB;
- aplikant je dostavio popunjen obrazac okolišna provjera/lista za provjeru usklađenosti projektnih aktivnosti sa zahtjevima u vezi sa zaštitom životne sredine.
- sve predložene aktivnosti moraju biti provedene na teritoriji Bosne i Hercegovine;
- sve predložene aktivnosti se moraju provesti najkasnije do 31.1.2026. godine;
- dozvoljena je kupovina opreme koja je kupljena po nabavnoj cijeni do 299,99 KM;
- dostavljena je sva dokumentacija koja je u pozivu navedena kao obavezna.

Pored navedenih kriterija (bodovni kriteriji):

- poželjno je da organizaciju vodi djevojka ili pripadnik marginalizirane grupe mladih;
- predložena inicijativa može biti uspostavljanje i provedba mehanizama propisanih zakonima o mladima;
- predložena inicijativa može imati aktivnosti kojima se mladi uključuju u procese odlučivanja;
- predložena inicijativa može biti uspostavljanje, razvoj i unaprjeđenje institucionalnih mehanizama usmjerenih ka boljem položaju mladih.

Tehničke informacije

Tehničke informacije kao i svi obavezni obrasci (ID broj, Rješenje o registraciji, prijavni obrazac, obrazac budžeta projekta OBR-GRB, obrazac okolišna provjera/lista) dostupni su na online platformi za upravljanje grantovima na linku: [Obrasci za Javni poziv](#). Za potrebe olakšane pripreme prijave na Javni poziv, na istom linku se nalaze dodatna uputstva za proces apliciranja.

Važni datumi za apliciranje:

1. Rok za predaju inicijativa je 17.9.2025. godine do 23.59 sati. Aplikacije i tražena dokumentacija moraju biti napisane na jednom od službenih jezika i pisama BiH. Aplikacije moraju biti popunjene elektronski.
2. Inicijative podržane kroz ovaj javni poziv mogu trajati najduže 4 mjeseca, a zadnji dan provedbe projekta može biti 31.1.2026. godine.
3. Rok za predaju završnih narativnih i finansijskih izvještaja je 21.2.2026. godine.

KAKO SE PRIJAVITI?

Prijedlog inicijative dostavlja se isključivo u elektronskoj formi dostupno na linku: [Pokreni lokalnu inicijativu za mlade i sa mladima](#) najkasnije do 17.9.2025. godine do 23.59 sati.

Kako bismo odgovorili na sva pitanja organiziramo dvije online informativne sesiju 3.9.2025. godine u 12.00 sati ([ZOOM LINK](#)) i 10.9.2025. godine u 18:30 sati ([ZOOM LINK](#)).





Dodatne informacije o uslovima za apliciranje za grantove i Javnom pozivu možeš dobiti i putem maila adis.keserovic@mladi.org (subject/predmet: UPIT O JAVNOM POZIVU – LOT 1/2) ili broja telefona 033 778 770.

Nepotpune aplikacije, aplikacije koje ne budu dostavljene na navedeni način, kao i aplikacije na neodgovarajućim obrascima neće biti uzete u razmatranje. Obavijesti o statusu aplikacije komunicirat će se prema aplikantima putem email adrese navedene u prijavnim obrascu.

EVALUACIJA PRISTIGLIH PRIJEDLOGA

Nakon što komisija ocijeni pristigle prijedloge, svi aplikanti će biti informirani o ishodu procjene prijedloga inicijative. Aplikanti čiji prijedlozi inicijative budu pozitivno ocijenjeni ulaze u fazu pregovora o dodjeli granta.

U fazi pregovora komisija i aplikant će usaglasiti prijedlog inicijative, naročito dijelove koji se odnose na isporuke, monitoring i evaluaciju inicijative. Komisija ima pravo tražiti dodatna pojašnjenja i dokumente uz prijedlog inicijative i podržati razvoj predloženih mjera i aktivnosti.

Obavijest o pozitivnoj ocjeni projektnog prijedloga ne znači nužno da će doći do potpisivanja ugovora niti da će inicijativa biti finansirana. Potpisivanjem ugovora o dodjeli granta uređuju se međusobni odnosi saradnje te prava i obaveze obje ugovorne strane.

Institut se obavezuje da će sve prikupljene podatke i dokumentaciju dostavljenu u okviru apliciranja na Javni poziv koristiti isključivo za obradu granta.

NAPOMENA: Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednako na osobe svih rodova.

##KRAJ DOKUMENTA##

